



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მორბედაძე დავით ნიკოლოზის ძე



თბილისი –
საცხოვრებელი სახლი
მცხეთის ქუჩაზე,
არქიტექტორი დ.
მორბედაძე (1962,
არქიტ. რ.
ბაირამაშვილთან და თ.
კანდელაკთან ერთად).

მორბედაძე დავით ნიკოლოზის ძე (18. XI. 1926, თბილისი, – 19. V. 2002, იქვე), არქიტექტორი, საქართველო. დამს. არქიტექტორი (1967). დაამთავრა თბილ. სახელმწ. სამხატვრო აკადემიის არქიტ. ფაკ-ტი (1952). მუშაობდა არქიტექტორად სხვადასხვა საპროექტო ინ-ტში, მ. შ. „თბილქალაქპროექტში“ (1954–64), „საქსოფლმშენსაპროექტში“ მთ. არქიტექტორის თანამდებობაზე (1964–72), კვლავ „თბილქალაქპროექტში“ არქიტ. სახელოსნოს ხელმძღვანელად (1972–2002). მონაწილეობდა არქიტექტურულ კონკურსებში: საბაფხულო კინოთეატრი თბილისში (1955, I პრემია), სასტუმრო „ინტურისტი“ სოხუმში (1964, I პრემია), საქართველო. კულტ. ცენტრი იერუსალიმში (1997, წამახალისებელი პრემია) და სხვ. ნამუშევრები: წყნეთში – პიონერთა ბანაკი (1956–58),

თბილისში – საცხოვრ. სახლი მცხეთის ქუჩაზე (1962, არქიტ. რ. ბაირამაშვილთან და თ. კანდელაკთან ერთად); ვახტანგ გორგასლის ძეგლი (1967; არქიტ. თ. კანდელაკთან ერთად, მოქანდაკე ე. ამაშუკელი); კომპლექსები: უნივერსალური „თბილისი“, ა. გრიბოედოვის სახ. რუს. დრამ. თეატრი (ორივე – 1977) და მეტროპოლიტენის სადგურ „თავისუფლების მოედნის“ მიწისზედა ვესტიბიული (1967); გაგრაში – საქართველო. არქიტექტორთა კავშირის შემოქმედებითი სახლი (1980; ყველა ავტორთა ჯგუფთან ერთად) და სხვ. დაჯილდოებულია ღირსების ორდენით (1998).